



唐音序



襄城楊伯謙好唐人詩五言七言古詩律詩絕句以盛唐中唐晚唐別之凡幾卷謂之唐音也者聲之成文者也可以觀世矣其用意之精深豈一日之積哉蓋其所錄必也有風雅之遺騷些之變漢魏以來樂府之盛其合作者則錄之不合乎此者雖多弗取是以若是其嚴也昔之選唐詩者非一家若伯謙之辯識度越常情遠哉噫先王之德盛而樂作跡熄而詩亡係於世道之升降也風俗頹靡愈趨愈下則其聲文

之成不得不隨之而然必有特起之才卓然之
見不係於習俗之所同則君子尚之然亦鮮矣
嗚呼唐虞三代其盛矣乎元首股肱之歌見於
唐書一遊一豫之歎聞諸夏諺其僅存者亦寡
寡廓絕矣若夫十五國風大小雅周之盛衰備
矣周頌者多周公之所作也猗那之存太師傳
焉駟駟之興魯人作之皆吾夫子之手筆也千
載之言詩者孰不本於此哉則吾於伯謙唐音
之錄安得不歎夫知言之難也

虞集序



唐音名氏并序

王績

字無功絳州人

章懷太子

名賢字明允
高宗第六子

李義甫

王勃

字子安絳州龍門人

楊炯

盧照隣

字升之范陽人

駱賓王

陳子昂

字伯玉梓州人

杜審言

字必簡襄陽人

宋之問

字延清泠州人

沈佺期

字雲卿相州人

喬知之

東方虬

薛稷

字嗣通

王適

幽州人

劉庭芝

字希夷汝州人

郭振

字元振魏州人

蘇頲

字廷碩雍州人

張說 字說之一字道濟洛陽人

齊澣 字洗心定州義豐人

張九齡 字子壽韶州曲江人

孫逖 博州武水人

蓋嘉運

吳筠 字貞節華州華陰人

賀知章 字季真越州人

崔顥 汴人

張謂 字正言河南人

張巡 鄧州南陽人

賈至 字季隣河南洛陽人

王維 字摩詰太原人

王縉 字夏卿太原人

裴迪 關中人

祖詠 洛陽人

孟浩然 襄陽人

儲光羲 潤州人

王之奐 并州太原人

王昌齡 字少伯江陵人

盧象 字緯鄉波水人

崔國輔

陶翰 潤州人

劉昫 江東人

薛據 荆南人

王季友 河南人

賀蘭進明

崔曙

王灣

沈如筠 潤州句容人

殷遥 潤州句容人

丁仙芝 潤州曲阿人

李嶷

吳象之

張潮 潤州曲阿人

高適 字達夫渤海人

岑參 鄧州人

李頎 洛陽人

常建

孟雲卿 平昌人

巖武 字季雁

張彪

劉方平 河南人

劉灣 蜀人

秦系 字公緒會稽人

朱放 字長通襄州人

張志和 字子同婺州金華人

右自武德至天寶末得六十五人為唐初

盛唐詩

皇甫舟 字茂政潤州人

皇甫曾 字孝常潤州人

張繼 字懿孫襄陽人

巖維 字正文越州人

李嘉祐 字茂一廣陵人

劉長卿 字文房阿閩人

盧綸 字允言河中人

韓翃 字君正南陽人

韋應物

耿緯 河東人

錢起 字仲文吳興人

郎士元 字君圭中山人

司空曙 字文明廣平人

崔峒 博陵人

李端 趙州人

衛象

柳談 字中庸京兆人

暢當 河東人

竇叔向 字遺直扶風平陸人

丘丹 蘇州臨平人

戴叔倫 字幼公潤州人

戎昱 荆南人

宋濟

顧況 字浦公翁蘇州人

李益 字君虞隴西姑臧人

劉商 字子夏徐州彭城人

雜裕之

長孫佐輔 朔方人

楊衡 字中師吳興人

武元衡 字伯蒼

權德輿 字載之秦州畧陽人

令狐楚 字愨士敏煌人

王涯 字廣津太原人

張仲素 字繪之

羊士諤 泰山人

楊巨源 字景山蒲中人

柳宗元 字子厚本河東人徙居吳

陳羽

孟郊 字東野湖州武

張籍 字文昌和州烏江人

王建 字仲初潁川人

盧仝 洛陽人

李賀 字長吉鄭王之後

竇庠 字胃卿叔向第四子

竇鞏 字友封庶弟

元稹 字微之河南人

白居易 字樂天其先太原人後徙下邳

劉禹錫 字夢得中山人

右自天寶至元和間通得四十八人為中

唐詩

賈島 字浪仙范陽

姚合 宰相崇之玄孫

李涉 洛陽人

孫革

鮑溶 字德源

張祐 字永吉南陽人

施肩吾 字希聖睦州人

杜牧 字牧之京兆人

韓琮 字成封

朱可久 字慶餘閩

任翻 江東人

許渾 字用晦潤州丹陽人

李君玉 字文山澧州人

李商隱 字義山懷州人

温庭筠 字飛卿

雍陶 字國均成都人

趙嘏 字承祐山陽人

孟遲 字遲之平昌人

薛逢 字陶臣河東人

薛能 字大拙汾州人

方干 字雄飛桐廬人

邵謁 韶州翁源人

陸龜蒙 字魯望姑蘇人

于武陵 杜曲人

陳陶 字嵩伯洪州曹豐城人

曹鄴 字鄴之桂林人

劉駕 字司南江東人

于濆 字子漪寓居堯山之南

司馬札

聶夷中 字坦之河東人

曹唐 字丹實桂州人

高駢 字千里幽州人

高蟾 河朔人

鄭谷 字守愚袁州宜春人

唐彥謙 字茂業并州晉陽人

崔道融 荆人

杜常

崔魯

王駕 字大用河中人

羅鄴 餘杭人

韓偓 字致光京兆萬年人

吳融 字子華越州山陰人

王貞白 字有道信州人

裴交泰

李暇

張泌 淮南人

李洞 字才江京兆人

韋莊 字端已京兆人

吳商浩

右自元和至唐末通得四十九人為晚唐

詩

僧靈澈 字登原越州人

僧無本

薛竒童

郎大家宗氏

廣南女子

劉采春

越州籍妓元稹詩

吉中孚妻

張文姬

薛濤

劉瑤

君山老父

太上隱者

山中客

無名氏

右方外及閨秀等自唐初至唐末通得一十三人并無名氏者皆附遺響之末

夫詩莫盛於唐李杜文章冠絕萬世後之言詩者皆知李杜之為宗也至如子美所尊許者則

揚王盧駱所推重者則薛少保賀知章所讚咏者則孟浩然王摩詰所友善者則高適岑參所稱道者則王季友若太白登黃鶴樓獨推崔顥為傑作遊郎官湖復歎張謂之逸興擬古之詩則彷彿乎陳伯玉古之人不獨自專其美相與發明斯道者如是故其言皆足以沒世不忘也余自劣喜讀唐詩每慨歎不得諸君子之全詩及觀諸家選本載盛唐詩者獨河岳英靈集然詳於五言畧於七言至於律絕僅存一二極玄媿合所選止五言律百篇除王維祖詠亦皆中

唐人詩至如中興間氣又玄才調等集雖皆唐人所選然亦多主於晚唐矣王介甫百家選唐除高岑王孟數家之外亦皆晚唐人詩吹萬以世次為編於名家頗無遺漏其所錄之詩則又駁雜簡畧他如洪容齋魯蒼山趙紫芝周伯徵陳德新諸選非惟所擇不精大抵多畧於盛唐而詳於晚唐也後客章貢得劉愛山家諸唐初盛唐詩手自抄錄日夕涵泳於是審其音律之正變而擇其精粹分為始音正音遺響總名曰唐音凡十五卷共詩一千三百四十一首始於

乙亥成於甲申嗟夫詩之為道非惟吟咏情性流通精神而已其所以奏之郊廟歌之燕射求之音律知其世道豈偶然也哉觀是編者韋恕其僭妄詳其所用心則自見矣至正四年八月朔日後學襄城楊士弘謹誌



唐音凡例

一始音不分類編者以其四家製作初變六朝雖有五七之殊然其音聲則一致故也

一正音以五七言古律絕各分類者以見世次不同音律高下雖各成家然體製音聲相類欲以便於觀者

一遺響不分類者以其諸家之詩篇幅長短參差音律不能諧合故就其所長而采之

一李杜韓詩世多全集故不及錄

一編意各著篇首

一詩中字有不安者以諸本校其善者從之

一親者闕之庶不誤觀者

一古詩及樂府及李杜全集類編續刊以便學者

唐詩始音目錄

韻音

襄城楊士弘編次

楊炯十首

王勃三十五首

盧照隣二十八首

駱賓王二十首

右四人通詩九十三首自六朝來正聲流靡四君子一變而開唐音之端卓然成家觀子美之詩可見矣然其律調初變未能皆純今擇其粹者列為唐詩始音云

唐詩始音卷之一

楊炯

從軍行

烽火照西京，心中自不平。
牙璋辭鳳闕，鐵騎繞龍城。
雪暗凋旗畫，風多雜鼓聲。
寧為百夫長，勝作一書生。

劉生

卿家本六郡，年長入三秦。
白璧酬知己，黃金謝主人。
劍鋒生赤電，馬足起紅塵。
日暮歌鍾發，喧喧動四隣。

紫駟馬

俠客重周游金鞭控紫駟蛇弓白羽箭鶴纏赤
茸鞦跋跡來南海長鳴向北州匈奴今未滅畫
地取封侯

駟馬

馳馬鐵連錢長安俠少年帝畿平若水官路直
如弦夜玉粧車軸秋金鑄馬鞭風霜但自保窮
達任皇天

和劉侍郎入隆唐觀

福地陰陽合仙都日月開山川凌四壘城樹隱

三臺伏檻排雲出飛軒繞澗迴參差凌倒景蕭
洒軼浮埃百果珠為實羣峰錦作苔縣蘿暗殺
霧凜布響成雷方士燒丹液真人泛玉杯還如
問桃水更似得蓬萊漢帝求仙日相如作賦才
自然金石奏何必上天台

送劉校書從軍 校

天將下三宮星門名互戎坐謀資廟畧飛檄佇
支雄赤土流星劍烏蹄明月弓秋陰生蜀道殺
氣繞湟中風雨何年別琴尊此日同離亭不可
望溝水自西來

送臨津房少府

岐路三秋別江津萬里長烟霞駐征蓋絃奏促
飛觴階榭含斜日池風泛早涼贈言未終竟流
涕忽霑裳

送豐城王少府

愁結亂如麻長天照落霞離亭隱喬樹溝水浸
平沙左尉才何屈東關望漸賒行看轉牛斗持
此報張華

送鄭州周司功

漢國臨清渭京城枕蜀河居人下珠淚賓御使

驪歌望極關山遠秋深烟霧多唯餘二五夕明
月暫經過

夜送趙縱

趙氏連城壁由來天下傳送君還舊府明月滿
前川

王子安

臨高臺

臨高臺二 迢遞絕浮埃瑤軒綺構何崔嵬
鸞歌鳳吹清且哀俯瞰長安道萋二御溝草斜
對甘泉路蒼二茂陵樹高臺四望同佳氣鬱葱

蕊紫閣丹樓紛照耀
璧房錦殿相玲瓏
東迷長樂觀西拍未央宮
赤城映朝日
綵樹搖春風
旗亭百隊開新市
甲第千甍分戚里
朱輪翠蓋不勝春
疊榭層楹相對起
復有青樓大道中
繡戶文窓雕綺櫺
錦衣畫不襲羅帷
夕未空歌弄朝揜翠粧
鏡晚窺紅為君安寶鬢
娥眉罷花叢
狹路塵間黯將暮
雲間月色明如素
死鳥鴛池上兩飛鳳
凰樓下雙度物色正如此
佳期那不願銀鞍繡轂
盛繁華可憐今夜宿倡家
少婦不須鬢東園桃李
片時春君看舊日高臺處

柏梁銅雀生黃塵

采蓮曲

采蓮啼淥水
夫容衣秋風起
浪見鷹飛桂棹蘭橈下
長浦羅裙玉腕輕
搖櫓葉嶼花潭極望平江謳越吹相思苦
佳期不可駐
塞外征夫猶未還
江南采蓮今已暮
摘蓮花渠今那必盡
倡家官道城南把桑葉
何如江上采蓮花
復蓮花葉何稠
疊葉翠本羞眉花紅強如頰
佳人不在茲
悵望別離時
牽花憐共蒂折藕愛連絲
故情無處所
新物徒華滋
不惜

西津交珮解還羞北海鴈書遲采蓮歌有節采
蓮夜未歇正逢浩蕩江上風徘徊蓮浦夜相逢
吳姬越女向羊茸共問寒江千里外征客關山
路幾重

秋夜長

秋夜長殊未央月明白露澄清光層城綺閣遙
相望川無梁北風受節南鴈翔崇蘭委質時菊
芳鳴環曳履出長廊為君秋夜擣衣裳織羅對
鳳凰丹綺雙鴛鴦調砧亂杵思自傷征夫萬里
戍他鄉鶴關音信斷龍門道路長君在天一方

寒衣徒自香

三月曲水宴

彭澤官初去河陽賦始傳田園歸舊國詩酒間
長筵列室窺丹洞分樓瞰紫烟縈回且津渡出
沒控郊鄼鳳琴調上客龍轡儼羣仙松石偏宜
古藤蘿不記年重簷交密樹複磴擁危泉抗石
晞南嶺乘沙眇北川傳巖來築處磻谿入釣前
日斜真興遠幽楚思涼蟬

泥谿

弭棹凌奔壑低鞭躡峻岐江濤出岸險峯磴入

雲危溜急船文亂巖斜騎影移水烟籠翠渚山
照落丹崖風生蘋浦葉露泣竹潭枝泛水雖去
羨勞歌誰復知

懷山

鶴岑有竒徑鱗州富仙家紫泉漱珠液玄巖列
丹葩常希披塵網眇然登雲車鸞情極霄漢鳳
想疲烟霞道存蓬瀛近意愜朝市賒無為坐惆
悵虛此江上華

聖泉宴

披襟乘石磴列藉俯春泉蘭氣熏山酌松声韻

野絃影飄垂葉外香度落花前興洽林塘晚重
巖起夕烟

觀內懷仙

玉架殘書隱金壇舊迹迷牽花尋紫澗步葉下
清谿瓊漿猶類乳石髓尚如泥自能成羽翼何
必仰雲梯

贈道士

霧濃金竈靜雲暗玉壇空野花常捧露山葉自
吟風林泉明月在詩酒故人同待余逢石髓從
尔命飛鴻

八仙選

柰園欣八正，松巖訪九仙。
援蘿窺霧術，攀桂俯雲烟。
代北鸞駮至，遼西鶴騎旋。
終希脫塵網，連翼下芝田。

山居晚眺贈王道士

金壇踈俗宇，玉洞似仙羣。
花枝栖晚露，峯葉度晴雲。
斜照移山影，迴沙攤籀文。
琴尊方待興，竹樹已迎曛。

別薛華

送_上多窮路，違_上獨問津。
悲涼千里道，悽斷百

年身心事同漂泊，生涯共苦辛。
無論去與住，俱是夢中人。

重別薛升華

明月沉珠浦，秋風濯錦川。
樓臺臨絕岸，洲渚亘長天。
旅泊成千里，棲遑共百年。
窮途惟有淚，還望獨潸然。

尋道觀

枝屨光兮野蓬關，盛規模碧壇。
清桂闌丹洞，蕭松樞玉笈。
及三山記，金箱五嶽圖。
蒼虬不可得，空望白雲衢。

游梵宇三學寺

杏閣披青磴，瑤臺控紫岑。
葉齊山路狹，花積野壇深。
蘿幌栖禪影，松門聽梵音。
遽忻陪妙躅，延賞滌煩襟。

散關晨度

關山凌旦開，石路無塵埃。
白馬高譚去，青牛真氣來。
重門臨巨壑，連棟起崇隈。
即今揚策度，非是弃繻回。

麻平晚行

百年懷土望，千里倦游情。
高低尋戍道，遠近聽

泉聲。礪葉絕分色，山花不辨名。
竊心何處盡，急暮後清。

送盧主簿

窮途非所恨，虛室自相依。
城闕居年滿，琴尊俗事稀。
開襟方未已，分袂忽多違。
東巖富松竹，歲暮幸同歸。

餞韋兵曹

征驂臨野吹，別袂憐江乘。
川霽浮烟歛，山明落照移。
雁鳴風凋晚葉，蟬露泣秋枝。
亭臯分遠望，延想間雲涯。

白下驛饒唐少府

下驛窮交日昌亭旅食年相知何用早懷抱
依然浦樓低晚照鄉路隔風烟去如何道長
安在日邊

杜少府之任蜀州

城關輔三秦風烟望五津與君離別意同是宦
游人海内存知己天涯若比隣無為在岐路兒
女共霑巾

山亭夜宴

桂宇幽襟積山亭涼夜永森沉野迳寒肅穆巖

扉靜竹晦南河色荷翻北潭影清興殊未歸林
端照初景

春日還郊

閒情蕪嘿上攜杖赴巖泉草綠繁新帶俞青綴
古錢魚沐侵岸水鳥路入山烟還題平子賦花
樹滿春田

仲春郊外

東園垂柳徑西堰落花津物色連三月風光絕
四隣鳥飛村覺曙魚戲水知春初晴山院裏何
處染罨塵

郊興

空園歌獨酌春日賦閑居
澤蘭侵小徑河柳覆長渠
雨去花光濕風歸葉影踈
山人不惜醉唯畏浮尊虛

郊園即事

烟霞春早賞松竹故年心
斷山靛畫障縣溜瀉鳴琴
草徧南亭合花開北院深
間居饒酒賦隨興欲抽簪

對酒

投簪下山閣攜酒對河梁
狹水牽長鏡高花送

斷香繫鷺歌似曲踈蝶舞成行
自然催一醉非但閱年光

詠風

肅涼景生加我林壑清
驅烟尋磻戶卷霧出山楹
去來固無跡動息如有情
日落山水靜為君起松聲

銅雀妓

金鳳隣銅雀漳河望鄴城
君王無處所臺榭若平生
舞筵紛可就歌梁儼未傾
西陵柏擯冷誰見綺羅情

普安建險題壁

江漢深無極梁岷不可攀山川雲霧裏游子終時還

寒夜思友

雲間征鴈斷月下岵愁切鴻鴈西南飛如何故人別

臨江

汎汎東流水飛汎北上塵蹄驟將別棹俱是倦游人

贈李十四

亂竹開三徑飛花滿四隣從來揚子宅別有尚玄人

蜀中九日

九月九日望鄉臺他席他鄉送客杯人今已厭南中苦鴻鴈那從北地來

滕王閣

滕王高閣臨江渚珮玉鳴鑾罷歌舞畫棟朝飛南浦雲朱簾暮卷西山雨閑雲潭影日悠々物換星移度幾秋閣中帝子今何在檻外長江空自流

盧照隣

長安古意

長安大道連狹斜青牛白馬七香車玉輦縱橫
 過主第金鞭絡繹向侯家龍銜寶蓋承朝日鳳
 吐流蘇帶晚霞百丈遊絲爭繞樹一羣嬌鳥共
 啼花二戲蝶千門側碧樹銀臺萬種色複道
 交窓作合歡雙闌連薨乘鳳翼異梁家畫閣天中
 起漢帝金壺雲外直樓前相望不相知陌上相
 逢詎相借問吹簫向紫烟曾經學舞度芳年
 得成比目何辭死願作鴛鴦不羨仙比目鴛鴦

真可羨雙去雙來君不見生憎帳額繡氍毹
 取開簾帖二雙鴛二雙飛繞畫梁羅幃翠袖舞
 金香片二行雲着蟬髮織二初月上鴉黃二
 粉白車中出含嬌含態情非一妖童寶馬鐵連
 錢倡婦盤龍金屈膝御史府中烏夜啼廷尉門
 前雀欲栖隱二朱城臨玉道遙二翠幙沒金堤
 挾彈飛雁鳥杜陵北探丸借客渭橋西俱邀俠客
 夫容劍共宿倡家桃李蹊倡家日暮紫羅裙清
 歌一轉口氛氲北堂夜二人如月南陌朝二騎
 似雲南陌北堂連北里五劇三條控三市弱柳

青槐拂地垂佳氣紅塵暗天起漢代金吾千騎
來翡翠屠蘇鸚鵡杯羅襦寶帶為君解燕歌趙
舞為君開別有豪華稱將相轉日回天不相讓
意氣由來排灌夫專權判不容蕭相專權意氣
本英雄青虬紫燕坐生風自言歌舞長千載自
謂驕奢凌五公節物風光不相待桑田碧海須
更改昔時金階白玉堂即今惟見青松在宋
寨楊子居年二歲一床書獨有南山桂花
發飛來飛去襲人裾

結客少年場行

長安重游俠雒陽富貴雄玉釧浮雲騎金鞭
月弓闐雞過渭北走馬向關東孫賓遙見待郭
解暗相通不受千金爵誰論萬里功將軍下天
上虜騎入雲中烽火夜似月兵氣曉成虹橫行
徇知己負羽遠從戎龍旌昏朔霧馬陣卷胡風
追奔瀚海咽戰罷陰山空歸來謝天子何如馬
上翁

折楊柳

倡樓啟曙扉楊柳正依上艷鳥啼知歲隔條變識
春端露葉凝愁上風花落舞衣攀折將安寄軍

中音信稀

芳樹

芳樹本多奇，年華復在斯。
結翠成新幄，開紅滿故枝。
風歸花應亂，日度影參差。
容色朝_上落思君_上不知。

君馬黃

騮馬照金鞍，轉戰入臯蘭。
塞門風稍急，長城水正寒。
雪暗鳴珂重，山長噴玉難。
不辭橫絕漠，流而幾時乾。

登高臺

回中道路險，蕭關烽候多。
五營屯右地，萬乘出西河。
單于拜玉璽，天子按珂戈。
振旅汾川曲，秋風橫大歌。

雨雪曲

虜騎三秋入，關雲萬里平。
雪似胡沙暗，冰如漢月明。
高關銀為闕，長城玉作城。
節旄零落及天子，不知夕。

巫山高

巫山望不極，望_上下朝氛。
莫辨啼猿樹，徒看神女雲。
驚濤亂水泳，驟雨暗峯文。
霓裳即此地，况

復遠思君

昭君怨

合殿恩中絕，交河使漸稀。
肝腸隨玉輦，形影向金微。
漢宮草應絳，胡廷沙正飛。
願逐三秋鴈，年一度歸。

綠

劉生

劉生氣不平，抱劍欲專征。
報恩為豪俠，死難在橫行。
翠羽裝劍鞘，黃金鏤馬纓。
但令一顧重，不悵百身輕。

關山月

塞垣通碣石，虜陣抵祁連。
相思在萬里，明月不長懸。
影移金岫北，光斷玉門前。
寄言閨中婦，愁看鴻鴈天。

三月曲水宴

風烟彭澤里，山水仲長園。
由來棄銅墨，本自重琴尊。
高情邈不嗣，雅道今復存。
有美光時彥，養德坐山樊。
門開芳杜迳，室拒桃花源。
公子黃金勒，仙人紫氣軒。
長懷去城市，高詠狎蘭蓀。
連沙飛白鷺，孤嶼嘯玄猿。
日影巖前落，雲花江上翻。
興闌車馬散，林塘夕鳥喧。

贈李榮道士

錦節銜天使瓊仙駕羽君投金翠山曲奠辟清
江瀆圓洞開丹鼎方壇聚絳雲資貺幽難識空
歌迴易分

早度分水嶺

千年遊蜀道萬里向長安徒費周王粟空彈漢
吏冠馬蹄穿欲盡貂裘故轉寒魯曾冰橫九折積
石凌七盤重谿既下漱峻峯亦上千隴頭聞戍
鼓嶺外咽飛湍瑟^上松風急蒼^上山月團傳語
後來者斯路誠獨難

還赴蜀中貽示京邑遊好

嚮宿花初滿章臺柳向飛如何正此日還望昔
多違悵別風期阻將垂雲會稀欽^上辭丹關縣
旗陟翠微野禽喧戍鼓春草變征衣回顧長安
道關山起夕霏

同臨津紀明府孤鷹

三秋違北鷹萬里向南翔河洲花稍白關塞葉
初黃避繳風霜勁懷書道路長水流^上箭動月
照似弓傷橫天無有陣度海不成行會^上刷能鳴
羽還赴上林鄉

西使無字孟學士南游

地道巴陵北天山弱水東相看萬餘里共倚一
征蓬零雨悲王粲清尊別孔融
望待秋鴻骨肉胡秦外風塵關塞中唯餘劍鋒
在耿々氣成虹

送鄭司倉入蜀

離人丹水北游客錦城東別意還無已離憂自
不窮隴雲朝結陣江月夜臨空關塞疲征馬霜
氛落早鴻潘年三十外蜀道五千中送君秋水
曲酌酒對秋風

綿州官池贈別

轄軒遵上國仙氣下靈關尊酒妨無地聯纒喜
輶攀離言欲贈榮高辯正連環野徑苴雲斷荒
池春草斑殘花落古樹度鳥入澄灣欲叙他鄉
別幽谷有綿蠻

和夏日幽症

聞有高蹤客取水坐幽莊林壑人事少風烟鳥
路長瀑水含秋氣乘藤引夏涼苗深全覆隴荷
上半侵塘釣渚青鳧沒村田白鷺翔知君振音
藻還嗣海隅芳

山莊休沐

蘭署乘閒日蓬扉狎道栖龍柯踈玉井鳳葉下
金堤儿光搖水箭山氣上雲梯亭幽聞吸鶴窓
曉聽鳴雞玉軫臨風奏瓊漿映月攜田家自有
樂誰肯謝青谿

入秦川界

隴阪長無極蒼山望不窮石徑縈疑斷回流映
似空花開綵野霧鸞轉紫巖風春芳勿遽尺留
賞故人同

春晚山莊率題二首

田家無四隣獨坐一園春鸞啼非選樹魚戲不
驚綸山水彈琴盡風花酌酒頻年華已可樂高
興復留人

顧步三春晚田園四望通遊絲橫惹樹戲蝶亂
依藜竹懶偏宜水花狂不待風唯餘詩酒意當
了一生中

文翁講堂

錦里淹中館岷山稷下亭空梁無燕雀古壁有
丹青槐落猶疑市苔深不辨銘良哉二千石江
漢表遺靈

石鏡寺

古墓夫容塔神銘松柏烟鸞沉仙鏡底花没堯
輪前銖衣千古佛寶月兩重圓隱香臺夜鐘
聲徹九天

辛司法宅觀妓

南國佳人至北堂羅薦開長裙隨鳳管促柱送
鸞杯雲光身沒落雪態掌中回到愁金谷晚不
恠玉山頽

駱賓王

行路難

君不見玉關塵色暗邊庭銅鞮雜虜寇長城天
子按劍徵餘勇將軍受脰事橫行七德龍韜開
玉帳千里鬪鼙鼓疊金鉦陰山苦霧埋高壘交河
孤月照連營二 去二 無窮極擁旆遙二 過絕
國陣雲朝結晦天山寒沙夕漲迷踈勒龍鱗水
上開魚貫馬首山前振鷗翼長驅萬里驚祁連
兮麾三命武功宜百發烏號遙碎柳七尺龍交
迴照蓮春來秋去移灰瑣蘭闥柳市芳塵竄鷹
門道遮尺書稀鴛被相思雙帶緩行路難擔令
氛稜靜臯蘭但使封侯龍額貴詎隨中婦鳳樓

寒

邊城落日

紫塞流沙北黃圖灞水東一朝辭俎豆萬里逐
沙蓬候月怕持滿尋源屢鑿空野昏邊爭合峰
迴戍烟通宵力風塵倦種塲歲月窮河流控積
石山路遠空峒壯志凌蒼兕精誠貫白虹君恩
如可報龍劍有此雄

棹歌行

寫月圖黃罷凌波拾翠通鏡花搖芰日夜麝入
荷風葉露舟難蕩蓮踈浦易空鳳媒羞自託鴛

拾

翼恨難窮秋帳燈光翠倡樓粉色紅相思無別
曲併在棹歌中

王昭君

歛容萍豹尾絨怨度龍鱗金鈿明漢月玉筋深
胡塵古鏡菱花暗愁眉柳葉頰唯有清笳曲時
聞芳樹春

宿温城望軍營

虜地寒膠折邊城夜拆聞兵符闕帝關天策動
將軍寒靜胡笳徹沙明楚練分風旂翻翼影霜
劍轉龍文白羽搖如月青山斷若雲烟踈殺卷

被塵滅似銷氛投筆懷班業臨戎想顧動還應
雪漢恥持此報明君

靈隱寺

鷲嶺鬱巖堯龍宮鎖宋寮樓觀滄海日門對浙
江潮桂子月中落天香雲外飄捫蘿登塔遠刻
木取泉遙霜薄花更發冰輕葉互凋待入天台
路看余渡石橋

晚泊蒲類

二庭崑崙斷萬里客心愁山路猶南屬河源自
北流晚風連朔氣新月照邊秋竈火通軍壁烽

烟上戍樓龍庭但苦戰燕頤會封侯莫作關山
下空令漢國羞

早秋出塞寄東臺祥政學士

促駕逾三永長駟望五原天街今升極地理接
樓煩谿月明關隴胡雲聚塞垣山川殊物候風
壤異涼溫戍古秋塵冷沙寒宿霧繁昔余迷學
步投跡忝詞源

春晚後李長史游開道林故山

幽尋極幽壑春望陟春臺雲光樓斷樹靈影入
仙杯古藤依格上野徑約山隈落葉翻風去流

鷓鴣滿樹來興闌荀御動歸路起浮埃

冬日野望

故人無與晤安步陟山椒野靜連雲卷川明斷
霧消靈巖聞曉籟洞浦漲秋潮三江歸壑斷千
里故鄉遙勞歌徒自奏客魂為誰招

夏日游山家同夏少府

返照下層岑物外狎招尋蘭徑薰幽佩槐庭落
暗金谷靜風聲徹山空月色深一遣樊籠累唯
餘松桂心

在兗州餞宋五

淮尼泗水地梁甫汶陽東別路青驪遠離尊綠
蟻空柳寒凋密翠棠晚落疎紅別後相思曲悵
斷入琴風

玄上人林泉二首

林泉恣深歷風景暫徘徊客有遷鷓處人無結
駟來聚花如薄雪沸水若輕雷今日徒招隱終
知異鑿坏

俗遠風塵隔春還初服遲林樾中散地人似上
皇時芳杜頽君曲幽蘭楚客詞山中有春草長
似寄相思

遊靈公觀

靈峯標勝境神府枕通川
玉殿斜臨漢金堂洞
架烟斷風跡晚竹流水切寒絃
別有青門外空
懷玄圃仙

秋露

玉闕涼氣早金塘秋氣歸
泛掌光逾靜添花滴
尚微變霜澁曉液承月委
圓輝別有吳臺上應
濕楚臣衣

秋鴈

聯翩辭海曲搖曳指江干
陣去金河冷書歸玉

塞寒帶月凌空易迷烟返浦
難何當同顧影
羽泛清瀾

詠初月

忌滿光恒缺乘昏影暫流
自能明似鏡何用曲
如鈎

送別

寒更承夜永涼夕向秋澄
離心何以贈自有玉
壺冰

在軍登城樓

城上風威冷江中水氣寒
戎衣何日定歌舞入

長安

女

十三

御印
普堂

長安



